



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

Art. I. Vtrum lex humana possit obligare ad actus internos?

---

[urn:nbn:de:hbz:466:1-77355](#)

facilitate eam servandi, quæ comparatur multorum actuum frequentatione, quæ longum tempus requirit. Est enim ibi Philosophi scopus, ostendere non esse facile leges mutandas, ne per hujusmodi frequentem mutationem subditi affuerint superiori non parere, cui facile parere assuevimus ex more, qui ex frequentatis actibus acquiritur.

**40.** Objicies secundò: Lex cui tota communitas repugnat, non expedit bono communi, imò vergit in damnum illius, & propter populi rebellionem & tumultum, magnum ex illa incommodum oritur: Ergo cum lex non obliget, nisi conduceat ad bonum commune, imò veram rationem legis non habeat, si ad bonum commune non ordinetur, ut disp. 1. art. 2. oftensum est, lex cui tota communitas repugnat, non obligat ob defectum consensū & acceptationis populi.

**41.** Respondeo, dato Antecedente, negando Consequentiam. Esto enim lex cui tota communitas repugnat, & reddit a inutilis & periculosa proper difficultatem eam servandi, non obliget, nego tamen eam non obligare ex defectu consensū & acceptationis populi; nam, adhuc stante difficultate & populi repugnantia, posset superior legis observantiam urgere, quamvis non deberet, quando major pars communatis repugnat. Ratio ergo cur lex in eo casu non obliget, sumitur ex eo quod tunc Princeps virtualiter derogat ipsi legi; unde potius voluntas Principis reddit tunc legem invalidam, quam non acceptatio populi, quæ tantum occasionaliter dicitur illam abrogare.

**42.** Objicies tertio: Consuetudo potest abrogare legem, ut communiter Jurisperiti docent: Ergo per non acceptationem potest lex non obligare. Consequentia patet, quia non acceptatio populi æquivaleret consuetudini, cum consuetudo abrogativa legis nihil aliud sit quam quædam non acceptatio legis jam obligantis, & nondum firmata.

**43.** Respondeo, consuetudinem non habere vim abrogandi legem, nisi sit legitimè præscripta: non præscribitur autem legitimè, quando reficit & refragatur præscriptioni ille cuius interest. Atque ita populus non præscripsi neque acquisivit sibi jus non parendi legibus, nisi acceptentur; cum Legislatores huic usui sèpissimè resistant, subditosque adigant ad legum acceptationem.

**44.** Objicies quartò: Legislator civilis accipit potestatem legislativam à Republica: Ergo dependenter à consensu illius leges fert, subindeque leges civiles sub hac tacita conditione feruntur, ut vim habeant, si fuerint acceptatae & usu receptæ. Quod confirmari potest exemplo Romanorum, apud quos referente Alexandro ab Alexandre lib. 6. dierum genial. cap. 16. non antea leges obligabant, quam fuissent à populo acceptatae.

**45.** Respondeo, concessso Antecedente, negando Consequentiam, nam semel à populo in Principem translatā potestate legislativā, penes ipsum tantum est leges condere, iisque populum obligare, independenter ab ipsis consensu & acceptatione. Nec ullum fundamentum est afferendi, populum sub hac conditione, ut leges vim habeant, si fuerint acceptatae, & usu receptæ, suam potestatem legislativam in Principem transtulisse; præsertim cum talis conditio valde debiliter obedientiam & subordinationem subditorum erga superiorē, quæ ad reman gubernationem

maximè necessaria est, ut passim docet Aristoteles in libris Politicorum. Unde licet populus Romanus initio sub hac conditione suam potestatem in legislatores transtulisset, ideoque tunc temporis eorum leges antea non obligarent, quam à populo acceptatae fuissent, postea tamen idem populus totam suam potestatem transtulit in Legislatores & capita Reipublicæ, eaque fine illa limitatione usi sunt.

D. Thomas hic art. 4. explicat divisionem legum humanarum ab Ildoro traditam, & discrimen quod inter jus gentium & jus naturale reperitur. Verum quia de primo sufficienter egimus supra disp. 1. art. 5. & de secundo dicemus in Tractatu de quatuor virtutibus cardinalibus, cum de jure, quod est objectum justitiae, disseremus, ab utraque questione in præsenti abstinemus, ne eadem sepius repetamus. Unde sit

## DISPUTATIO V.

### De potestate legis humanae.

Ad questionem 96. D. Thomæ.

**C**onsideratà existentiâ & quidditate legis humanæ, variisque ejus qualitatibus & conditionibus, supereft ut de ejus potestate differamus, & ad quæ, & quos illa obligare possit, breviter declaremus.

### ARTICULUS I.

Vtrum lex humana posse obligare ad actus internos?

#### §. I.

Quibusdam premisis referuntur sententie.

**D**Pro intelligentia & resolutione hujus difficultatis, notandum est, illam procedere non solum de actibus internis secundum se, id est quantum nullo modo connectuntur cum externis, qui sunt purè interni, sed etiam de iis, ut cum externis connexionem habent. Dupliciter autem potest connecti actus internus cum exteriori, primò ut causa & forma illius, quæ ratione volitio efficax furandi connectitur cum furto exteriori, & hæc connexio est per se. Secundo modo etiam connectitur per se, sicut ut conditio necessaria requista ad substantiam actus exterioris in genere moris consideratam. Hoc modo attentione connectitur cum oratione vocali, & dolor internus cum confessione sacramentali, & intentio baptizandi cum actione externa baptizanti; non enim est vera oratio exterior in genere moris considerata, nisi procedat ex aliqua attentione, nec vera confessio sacramentalis, quæ non procedit ex dolore interno, nec vera actio baptizandi, quæ ex intentione ministri non sequitur. Est autem manifesta differentia inter actus primi & secundi generis, nam actus primi generis sufficienter manifestantur per exteriores; quis enim non videat volitionem furandi manifestari per futrum exterioris? Actus vero secundi generis non sufficienter manifestantur per actus exteriores, recitatio

## DE POTESTATE LEGIS HUMANÆ. 541

enim exterior officij, non sufficienter manifestat attentionem & devotionem, cùm possit esse sine illa. Tertiò actus interior potest connecti cum exteriori non per se, sed per accidentis, etiam quantum ad esse morale actionis, sicut motivum penitentia per accidentis coniunctum est exterioro jejunio, & motivum vanæ gloriae largitioni eleemosina. Proposita ergo difficultas procedit universaliter, utrum videlicet lex humana, tam civilis, quam Ecclesiastica, possit obligare ad actus internos, tam secundum se, & ut sunt pure interni, quam ut connectuntur cum exterioribus, tribus modis iam explicatis?

**Z.** Triplex autem in ejus resolutione reperitur. Authorum sententia. Prima affirmit, legem humanam posse obligare ad actus interiores, non solum ut connectuntur cum exterioribus aliquo ex modis prædictis, sed etiam secundum se, & ut sunt pure interiores. Ita Adrianus quodlib. 8. art. 1. lit. H. Albertus Pigi lib. 6. Ecclesiastica Hierarchia cap. 26. & Summa Rosella verbo heresis. Quam ut probabilem defendit Joannes Medina Codice de oratione quæst. 15.

Secunda existimat legem humanam non posse præcipere aut prohibere actus pure internos, immo neque illos qui exterioribus connectuntur, nisi sint tales, ut per exteriores sufficienter exprimantur, sicut causa per proprium effectum. Ita Vazquez 1. 2. disp. 160. cap. 7. & sequentibus, Salas disp. 9. de legibus sect. 1. Amicus in Tract. de legibus disp. 5. lect. 5. Martinonus disp. 29. lect. 1. & alij.

Tertia, inter utramque veluti media, docet legem humanam non posse quidem præcipere actus internos cum exterioribus nullam connexionem habentes, bene tamen actus internos, ut conjunguntur cum exterioribus, non solum eos sufficienter manifestantibus, sed etiam si non sufficienter manifestent eos, dummodo tamen per se requirant ad integratem exteriorum in genere moris, saltem ut conditions omnino necessarias. Hanc tenent communiter Thomistæ, præsertim Cajetanus, in summa, verbo *Excommunication*, & verbo *Hora canonica*, & Soto lib. ultimo de justitia quæst. 5. art. 5. quos sequuntur Suarez, Valentia, Azorius, Salas, Sylvius, & alij plures.

### §. II.

*Vera sententia sequentibus conclusionibus statuitur.*

**Z.** Ico primò, lex humana non potest obligare actus pure internos, qui nullo modo per exteriores manifestantur, nec cum illis aliquam connexionem habent. Ita D. Thomas infra quæst. 100. art. 9. ubi nostram conclusionem hac ratione demonstrat: Id tantum cadere potest sub præceptum aut prohibitionem legis humanæ, ad quod faciendum vel omitendum lex humana cogere potest: Sed lex humana non potest cogere ad actus pure internos, qui per exteriores non manifestantur: Ergo ne illos præcipere aut prohibere. Major conslat, nam potestas legislativa ad præcipendum vel prohibendum, est etiam ad cogendum, ut docet Aristoteles 10. Eth. cap. 5. ubi ait potestatem legislativam debere necessariò habere adjunctam potestatem coactivam, quia alioquin esset inutilis & inefficax. Minor vero sic ostenditur: Coactio legis est per metum pena, ut dicitur 1. Ethic. cap. ultimo: Sed pœ-

Tom. III.

**A**na non infligitur nisi pro illis de quibus legislator habet judicare, quia ex judicio lex puniit: cùm igitur non possit legislator humanus judicare de actibus purè internis, quia homines vident ea qua parent, ut dicitur. Regum 16. non potest cogere ad illos. Unde juris axioma est cap. Christiana Religio 32. quæst. 5. *Non habere latencia peccata vindictam.*

Dices, ex hoc discutisti D. Thomæ sequi, legem humanam non posse prohibere aut præcipere actus externos occultos, ob defectum testium, cum tales actus non possint puniri per legem purè humanam.

Sed negatur sequela, quia actus exteriores occulti, ob defectum testium, sunt manifesti secundum se, & tantum per accidentis occulti; unde cùm lex non respiciat ad id quod est per accidentis, ab illa per se præcipi & prohiberi possunt. Similiter tales actus sunt per se punibiles per legem humanam, licet per accidentis ex defectu probationis puniri per homines non possint. Cujus signum est, quia quacumque ratione perveniat dilectum ad sufficientem hominum notitiam, puniri poterit, licet in principio fuerit occultissimum commissum, quod non ita est de actu mere inacto.

Aliam rationem insinuat S. Thomas 2. 2. quæst. 104. art. 5. que sic potest proponi: Potestas legislativa per se primò tendit ad externum & commune Reipublicæ regimen: Sed actus purè interni non sunt apta materia humani regiminis: Ergo potestas legislativa ad actus purè internos, seu qui in pura mente consummantur, extendi nequit. Major patet, Minorem verò optimè declarat D. Thomas ex Seneca 3. de beneficiis, quia unus homo naturaliter non subdit alteri, secundum animam, sed secundum corpus: Errat enim (inquit ille) si quis putat servitutem in totum hominem descendere, pars enim melior excepta est. *Corpora obnoxia sunt & adscripta dominio, mens sui juris est.*

Dico secundò, lex humana potest præcipere vel prohibere actus internos, qui per se sunt causa actuum exteriorum, illos sufficienter manifestantur. Patet hæc conclusio, qui enim prohibet furtum, prohibet voluntatem efficacem furandi, & qui præcipit actum externum recitandi officium, præcipit voluntatem efficacem recitandi, quia isti actus per se connectuntur cum exterioribus, taliter quod sine illis exteriores morales esse non possunt: unde cùm lex humana hujusmodi actus exteriorum ut sunt morales præcipiat, aut prohibeat, etiam præcipit aut prohibet interiores à quibus imperantur, & qui per actus illos exteriorum necessariò manifestantur.

Dico tertio, lex humana potest præcipere aut prohibere actus internos per se requisitos ad integratem exteriorum in genere moris, saltem ut conditions necessarias, quamvis per exteriores non manifestentur.

Probatur breviter: Qui haber potestatem præcipendi aliquid, habet etiam potestatem præcipendi illud quod necessariam connexionem cum eo haber, ut illud subsistat; quæ ratione lex humana potest præcipere vel prohibere actus internos, qui per se sunt causa actuum exteriorum, ut præcedenti conclusione dicebamus: Sed multis sunt actus exteriores, quos lex humana præcipere potest, qui per se requirunt actus aliquos internos ad suam integratem moralem, quamvis per exteriores non manifestentur: Ergo lex

Y Y iij

humana potest præcipere actus interioros per se requisitos ad integratem exteriorum in genere moris, quantumcumque per exteriores non sufficierter manifestentur. Major constat, Minor vero probatur in intentione baptizandi, & administrandi alia sacramenta, in dolore ad confessio-nem requisito, & in attentione recitandi horas canonicas, sine quibus actus exteriores non ha-bent integratem moralem necessariam, quamvis actus illi interni, per exteriores sufficierter non manifestentur.

**S.** Hanc conclusionem fusiū declaravimus in dis fertione Theologica de probabilitate, art. 3, ubi contra Caramuelum ostendimus, præceptum Ecclesiasticum de horis canonicas recitandis, non solum ad attentionem & devotionem exteriorum, sed etiam ad interiore obligare. Quod potest adhuc confirmari ex eo quod aliqui Pontifices cum aliquibus dispensarunt, ut etiam divi-num officium cum mentis distractione recitaverint, modò id malitiosè non fecerint, præcepto Ecclesia satisfaciant, ut concessit Leo X. Minori-tis, prout refertur in compendio Privilegiorum Societatis Jesu, sub littera, *Hora Canonica*, §. 5. Ex hoc, inquam, confirmari potest sententia que docet Ecclesiam præcipere attentionem internam, & non solum externam, in recitandis horis; dis-pensatio enim supponit legem, à cuius obliga-tione eximit: Ergo si Pontifices dispensarunt cum aliquibus, ut satisfacerent præcepto Ecclesia, de recitatione divini officij, quamvis illud cum men-tis distractione recitaverint, manifestum videtur, Ecclesiam præcipere attentionem & devotionem interiore & non solum exteriorum in horis ca-nonicas recitandis.

**5.** Dico quartō, lex humana non potest præcipere aut prohibere illos actus internos, qui tantum per accidens conjunguntur cum exterioribus.

Patet hac conclusio: cùm enim lex humana, ut suprà dicebamus, per se primò tendat ad exter-num & commune Reipublicæ regimen, nihil potest præcipere, nisi vel sit sensibile in se, vel cum per se sensibili connexionem per se habeat: Sed actus interni, qui per accidens tantum con-junguntur cum exterioribus, nec per se sensibles sunt, nec connexionem per se habent cum actu extero per se sensibili: Ergo non possunt cadere sub lege humana.

Confirmatur: Quando actus interior non est per se conjunctus cum actu extero, sed tantum per accidens, actus interior se habet tantum ut modus implendi præceptum: At modus præcepti non cedit sub præceptum, ut docet D. Thomas infra quæst. 100. art. 9. Ergo lex humana non præcipit actum internum simul cum externo, quando internus necessariò conjunctus non est cum actu extero, sed tantum per accidens. Sic quando lex humana præcipit jejuniū observan-dum tempore quadragesimæ, non præcipit simul internum motivum vel penitentie vel temperan-tiæ, quia internum motivum tale, tantum per accidens conjunctum est externo jejuniū, cùm non referat, ex quo motivo præceptum jejuniū impleatur, modò impleatur ex honesto motivo.

### §. II.

#### Solvuntur objectiones.

**11.** Objicies primò contra primam conclusio-nem: Potestas Ecclesiastica spiritualis est,

A & ordinata ad profectum interiore animarum, tanquam ad finem: Sed ad hunc finem conse-quendum, valde necessarium est, ut extendatur ad actus etiam purè interioros præcipiendo, in quibus præcipue consistit animarum salus: Ergo datur in Ecclesia hujusmodi potestas.

Confirmatur: Potestas Ecclesiastica absolute data fuit à Christo, dum dixit Petro: *Quodcumque ligaveris super terram &c.* Ergo non est cur limitetur à nobis ad actus exteriores.

Ad objec-tionem respondeo quod finis potesta-tis Ecclesiastica remota, est salus animatum, proximus autem est bonum sensibile & exterior, pertinens ad sensibile hierarchiam. Uterque autem non cedit sub legis præcepto, sed tantum actus exterior, qui ordinantur ad illud bonum exterius; ex consequenti verò cadunt etiam actus in-teriores, qui per se connexionem habent cum ex-terioribus; non verò actus interiores puti, ne-qui accidentaliter solum connexuntur cum exterioribus. Unde

Ad confirmationem respondeo quod potestas legislativa tributa à Christo, meritò limitatur ad actus tantum exteriores, & interiores, qui per se connexionem habent cum ipsis; nam cùm sit in ordine ad gubernationem sensibilis hierarchie tantum, debet esse per ordinem ad actus sensibili-les exteriores, & ad interiores, sine quibus hujus-modi exteriores per se esse non possunt.

Objicies secundò: Ecclesia præcipit fidelibus ut singulis annis confiteantur peccata sua, etiam purè interiora: Ergo potest actus purè interiores præcipere.

Confirmatur: Summus Pontifex potest dispen-sare in voto merè interno: Ergo & actum purè internum prohibere vel præcipere.

Ad objec-tionem respondeo quod Ecclesia non posset præcipere fidelibus ut confiterentur pecca-ta purè interiora, si id non fuisset præceptum à Christo, qui potestatam haber præcipienda actus purè interioros: Supposita verò institutione con-fessionis exterioris à Christo facta, determinat tempus quo obligat præceptum Christi, præci-piendo ut fiat saltē singulis annis: hoc autem non est præcipere actum internum, sed exter-num, & internum, ut connexionem habet per se cum externo, supposita Christi institutione, quod optimè potest.

Ad confirmationem, concessio Antecedente, nego consequiam & paritatem: Ratio dis-paritatis est, Primò quia ad dispensandum potestas coactiva non requiritur, bene tamen ad præci-pienda aut prohibendum. Secundò, quia dis-pensatio internam animi quietem respicit, lex verò externam gubernationem. Tertiò, quia obligatio voti oritur ex interno actu, nec signo extero indigerat: at obligatio legis humana non obligat ex solo actu interno, nisi etiam promul-gatio accedit.

Objicies tertio: Ad Ecclesiam pertinet suis le-gibus dirigere homines in vitam æternam: Sed ad hunc finem magis necessarium est ordinare actus internos quam exterioros: Ergo Ecclesia actus me-rè interioros præcipere vel prohibere potest. Unde in cap. *Nox*, de sententia excommunicationis, excommunicantur omnes heretici. Et in Clementina 1. de hereticis cap. *Multorum*, circa finem excommunicantur Inquisitores hereti-cæ pravitatis, si odij, gratia, vel amoris luci, vel commodi temporalis obtenuerint, contra iustitiam & conscientiam suam, omiserint contra quem-

## DE POTESTATE LEGIS HUMANAÆ. 143

- quam procedere ubi fuerit super præbitate heretica procedendum.* Et in cap. *Dolentes*, de celebratio ne Missarum, præcipitur Clericis, ut *divinum officium, nocturnum pariter & diurnum, quantum eis Deus dederit, studiosè celebrant pariter & de voe*: hæresis autem peccatum mentis est, amor & odium aëtus interni, *devotio etiam interior actus est.*
16. Respondeo ad Ecclesiam pertinere suis legibus dirigere homines ad vitam æternam, non quod modicumque, sed cogendo & judicando; unde cum ipsa non judice de aëtibus purè internis, sed iij judicio Dei reserventur, non potest eos præcipere aut prohibere, si purè interiores sunt. Unde ac capita iuris citata, dicendum est, quod hæresis prohibetur ab Ecclesia, & punitur excommunicationis pena, non ut purè mentalis est, sed ut conjuncta est cum exteriori. Similiter odium & amor puniuntur, ut conjuncta sunt cum aëtibus exterioribus, & interna devotio præcipitur, ut conjuncta est oratione vocali.
17. Objicies quarrò contra tertiam conclusionem: Lex humana præcipere aut prohibere non potest nisi illos aëtus de quibus potest judicium ferre: Sed non potest judicare de aëtibus internis, qui per exterioris sufficienter non manifestantur, cum Ecclesia neque Respublica sæcularis judicent de occultis; ut enim dicitur in cap. *Tua nos de simonia: Nobis datum est de manifestis tantummodo judicare*: Ergo lex humana non potest præcipere aut prohibere aëtus illos internos, qui per exterioris sufficienter non manifestantur, quamvis illis per se connectantur.
18. Respondeo, concessa Majori, negando Minorem, ad hoc enim ut lex humana de aëtū interno judicium ferre possit, non requiritur quod aëtus internus sufficienter per externum exprimatur, sed sufficit & requiritur quod habeat connexionem per se cum externo, de quo potest judicium ferre, tunc enim saltem indirectè, potest judicium & legem ferre supra aëtum internum. Si vero aëtus internus sit per se causa aëtus exterioris, & sufficienter per illum manifestetur, lex humana directè supra illum judicium & legem ferre potest.
19. Objicies quintò contra ultimam conclusionem: Ecclesia potest punire aëtum interiore, qui tantum per accidens connectitur cum exteriori: Ergo & illum præcipere vel prohibere. Consequen tia patet, Antecedens probatur ex cap. *Commis satione, de electione & electi potestate in c. ubi imponitur pœna privationis fructuum ei qui parochiale beneficium recipit cum intentione non suscipiendo facerdotium intra annum.*
20. Respondeo, negando Antecedens, & ad ejus probationem dico, quod Ecclesia ibi non puni illum aëtum interiore, sed exteriorum recipiendi beneficium, quem non vult punire, nisi adjuncto illo aëtū interno ut conditione; vult enim quod Clericus non faciat fructus suos, nisi receperit beneficium parochiale cum intentione suscipiendo facerdotium intra annum; quod optimè facere potest, nam licet non possit Ecclesia suā lege aëtus internos per accidens cum externis conjunctos prohibere vel præcipere, potest tamen eos requiri ut conditionem externi contrahat, quā non impletā, contrahens non accquirat jus in rem sub tali conditione acceptatam. Sicut si quis velleret alicui pauperi dare elemosynam sub hac conditione ut cum devotione & attentione interiori oraret, aëtum internum non
- A præcipere, sed tantum illum requiriēt ut conditionem quā non posita nolle in pauperem transferre dominum elemosinæ exterioris.
- Addunt aliqui, pœnam restitutionis fructuum perceptorum, non statu proper transgressio nem legis Ecclesiastice, sed divinae naturalis, quā tenetur qui parochiale beneficium accipit, se idōneum ministrum talis beneficij reddere. Nec refert, quod alia viā possit hic fructus percepti beneficij compensare, & aliis obsequiis suos reddere; nam hoc ipso quod Ecclesia determinat certum genus officij, quod beneficiarius debeat in compensationem accepti beneficij præstare, non est amplius in ejus potestate illud mutare: sic ut hoc ipso quod Ecclesia suā lego determinat præceptum divinum de sabbato lāndificando, per auditionem sacri, non est amplius in potestate fidelium illud in aliud opus commutare.
- ARTICULUS II.
- Vtrum leges humanæ tam civiles quam Ecclesiastice obligare possint in foro conscientiæ, ita quod eas transgrediens reus sit culpæ apud Deum?
- C 223 Valdenses apud Guidonem lib. de hæresibus, Marcellus de Padua, Joannes Wicel, & Joannes Hus ex Bellarmine 4. de Pontifice cap. 15. negant ullam legem humanam, sive Ecclesiastica sit, sive civilis, in conscientia obligare. Hos secutus est Calvinus 4. initit. cap. 15. & sequentibus, ubi tametsi concedat, Prælatos & Magistratus politicos, posse leges alias ad conservationem disciplinæ & pacis inter cives præscribere; negat tamen eas in conscientia obligare, cum conscientia (inquit) soli Deo subdita sit, ideoque ab eo solo ligari seu lege coerceri possit.
- D 224 Ab hac sententia seu potius errore non longè distare videtur Joannes Gerson, Cancellarius Parisiensis, Tract. de vita spirituali, lect. 4. alphab. 62. ubi admittit quidem, leges humanas, maximè Ecclesiasticas, habere vim obligandi in conscientia, contendit tamen eas vim illam à solo Deo, vel à Christo habere, non vero à legislatoribus humanis, qui dum leges condunt, solùm declarant obligationem quam Deus imponit, ipsi vero nullam obligationem in foro conscientiæ imponunt. Exemplum afferit de agroribus, qui tenentur in conscientia Medicis obedire, non quod Medicī imperandi autoritatem habeant, sed quia declarant id ad quod agroribus lege naturali & divinâ tenetur. Germonem sequitur Almainus Tract. de potestate Ecclesiast. quæst. 1. cap. 12. quantum ad leges civiles, sed non quantum ad Ecclesiasticas. Ut hic error confutetur, & communis ac vera sententia declaretur, sit
- §. I.
- Vera sententia duplice coniunctione statuitur:
- D Ico primò, leges humanas Ecclesiasticas habere vim obligandi ad culpam, & in foro conscientiæ.
- Conclusio est certa de fide, ac definita in Concilio Constantiensi sess. 8. & 10: contra Wicel. & Joannem Hus, & in bullâ Leonis X. contra Lus.